

四庫全書

集部

欽定四庫全書

集部
秋聲集卷
三四

詳校官庶吉士臣張溥

主事臣呂雲棟覆勘

謄錄貢生臣苗序灝

謄錄貢生臣吳士英

欽定四庫全書

秋聲集卷三

宋 衛宗武 撰

五言律詩

賦方寸春

小亭依綠水花竹自幽奇地止一方闊春無方寸虧粟
中藏世界芥子納須彌萬象融心境寧為目睫欺

新陽前口占

初見草生池俄驚草又衰秋山縮鱗甲寒渚燭鬚眉花

露先春信林存傲歲枝新陽已潛動為報衆芳知

山中新霽

一雨喜還晴曉山青復青喬松清老眼啼鳥悅幽情與
客評詩卷看僧誦佛經更憐清絕處泉瀉佩琚聲

清明行役過澱湖至吳

涉泖正清明澱湖波更平雉媒空古蹟鶴唳動鄉情楊
柳家家插桃花處處生青山俄在望咫尺見吳城

和堊渡詠梅

傍宅林園巧亭垂剪剪茅雪香藏冷艷月影浸疎梢桃
李陪臺等松筠道義交巡簷頻索笑應不厭推敲

紫荊花

穠艷壓春葩葩成葉始芽未張青羽旆先糝紫金砂譜
接三荊樹名齊連萼花移根向深谷寂寞愛繁奢

春山

新晴散佳麗列阜氣尤豪膩草翻風沃芳林映日高
帶情醲似酒溢目湧如濤衆史應難畫吟將入彩毫

出郊

幾度擬郊行天公欠一晴水寒魚絕影林暝鳥藏聲雲
斂天容淨雨餘山骨清津橋小盤薄梅有數枝橫

訪山庵

彌月住山家晴天物色奢鶯遷對人語蜂聚報僧衙筍
老欲成竹蕙香開徧花清吟無箇事冉冉送春華

次韻幽居

柴荆長日閉一徑窈而深花竹四時趣簡編千古心戶

庭無俗駕風月入騷吟種秫多為酒客來須共斟

張石山遷居

於我已渠渠遷喬喜得廬挈來三釜粟更有一床書疊
石境不俗得山名豈虛從今來問字門外列高車

過安吉縣梅溪二首

壯年知幾到幽徑喜重尋異世桃源路暮春梅子林屏
山森秀色槃澗漱清音迤邐窮幽渺山行不厭深

縱步歷前村脩然幽趣深鳴鴻歸別渚倦鵲立寒林煙

樹遠橫帶雲霓高聳岑隨風數聲笛清絕似龍吟

題城山頂庵

高廣與城埒平夷似砥同舉頭瞻近日敵面怯東風千
嶂屨屐下重湖几席中吾鄉那有此幾欲傲愚公

牡丹和韻二首

紅紫富輪囷京花非浪名相看全國色獨酌愧耆英物
好能移老春歸更有情桑榆陰未徙尚擬續芳盟

似盤還似困尊號擅芳名洛土分來種景星流作英紛

敷為絕色向背若含情別久喜相對開尊話舊盟

自桃嶺歷諸隴後返至唐村庵

扶杖穿桃嶺山行歷幾村嶽崎窮絕巘旋折反窮源地
迴猶仙隱山多隔市喧層巒互將送不覺月黃昏

登多景樓口占立成

新霽登多景斯遊亦快哉雙尖浮殿塔千堞裏樓臺激
豔琉璃合微茫圖畫開江山仍似舊投綬慨重來

過墓隣僧寺

一見說交情僧繆為客斟溪山銜落照杉竹聚清陰日
對畫圖軸風生琴筑音意行行不足逸興對高吟

和文友催梅

日昴驗星躔陽和梅占先未教疑雪似早已奪春妍少緩
芳蕤放多令秀句傳輸君探山意日日醉花前

和南塘賦東軒春日即事

十分春過半穉綠已侵花又見拳抽蕨相將舌吐茶川
原美如畫卉木爛成霞紅旆思行樂黃紬憶放衙榆年

許憔悴芳景自紛華但有書為圃不妨涵聖涯

山行道間

行春行不足今日又明朝平嶺上危嶺長橋過短橋殘
紅明石澗膩綠暗風條最是宜人聽遷鶯出谷嬌

聽鶯

羽族滿幽谷綿蠻聲更多翠林深萬緒金羽擲雙梭破
曉頻驚夢叫雲如解歌弓丸那可近鳴躍在高柯

山行舟回

細雨弄晴暉舟行度翠微牧童臨水立埜橋避人飛風
力偏欺酒山光欲染衣晚來雙槳發擬載碧雲歸

和青溪山行

北崦共幽尋森森萬綠新柳陰停雨棹栢還岸風巾幸
有寬閒埜堪娛老病身祇憐人事異滄海亦揚塵

至上基祖墳

小徑入山村行行及墓門豐林俱易種古木失常尊重
悵松楸地多為荊棘原青青一坏土馬鬣喜猶存

木蘭花

頗費東君巧晚春
纔有芳森森紫毫束
艷艷粉囊張凡
木難全譜猗蘭祇有香
花名傳樂府雅調更悠揚

春晚郊行

盎若陽和氣融融
滿太空水涵春嶼碧
林鏤夕陽紅過
盡桃花雨吹來楊柳風
韶光晚尤媚遊興浩難窮
步屨出郊原家家春滿門
斜陽芳草岸流水落花村
露葉梅歲子雲根竹長孫
東君老仍媚猶有婪芳存

東風吹不斷芳草正萋萋暗綠歲禽語殘紅襯馬蹄莎
汀連葦岸麥隴間疏畦往歲行春路推敲認舊題

暮春

跨馬尋春去未容春便歸山浮天際色雲弄水中暉綠
長千林暗紅無一片飛茅茨籬落外惟有菜花肥

晚春

轉眼韶華老絮飄萍滿塘啼鶯求友急乳燕護雛忙春
晚犁鉏閑雨餘桑柘香清和猶好在未忍廢奚囊

再用韻

飛花迷柳岸小葉貼荷塘
冉冉年增老匆匆春去忙
候禽喧巧哢野卉逗餘香
盡日敲吟字詩慳類括囊

和張石山惜春韻

天涯芳草路幾度擬幽尋
懷古空陳迹傷春徒苦心
花殘猶宿蝶柳暗已藏禽
天地年來別一春常是陰
滿眼物華媚芳辰與意違
愁多何樂少昨是豈今非
轉蕙光風老流花過雨肥
春來傳好事空又送春歸

宣妙寺即事

寺小經年久地偏人到稀
山光含埜色泉脉出林霏
老樹藏金粟繁枝長綠衣
門前千歲栢長日映清暉

雪隴歸別庵僧

彌月分僧榻翛然與世違
何妨隨地隱恨不載山歸跡
與風帆遠秋隨春絮飛
何當泉石畔歲歲得相依

自雪還登舟

日日上巔岼吟邊飽看山
筍輿穿嶺徧桂楫汎溪還芳

草垂楊際行雲流水間
往來身不繫
未羨白鷗閒

僧庵

結屋倚巖隈
日高晨露晞
開門放山入
隱几看雲歸
老披白衲樵夫穿翠微
僧居無箇事
盡日客來稀

自雪和石山

扁舟汎清雪
遊屐徧層巒
幽討離家久
新吟借客看
槐陰風轉夏
梅子雨留寒
不謂浮雲跡
煩君上筆端

歸舟

回艇臨塘路，攢夫欣路平。歸鴻千里近，過鳥一身輕。溪
派分頭去，山光戀眼明。松江水雲際，屈指不多程。

初夏登北山

推蓬數峯出，野色弄新晴。雷復陽初長，雪消山更清。
巔坳孤塔露，木杪片雲生。何日塵緣了，來尋猿鶴盟。

北山晚步

遠岫煙光合，天寒欲斂昏。栖鴉依古木，歸艇入前村。岸
隔山藏寺，潮生水到門。川原渾似舊，竚立暗銷魂。

重九

榆景轉淒涼逢秋更斷腸
百年能幾日多歲負重陽
杜醵慳浮白陶籬半點黃
可嗟人事異花不減寒香

別陳玉峯

三載相親久臨分思黯然
不堪蘭佩遠近在菊花前
欲買堯夫宅難移杜曲田
臺山千萬疊書有鴈能傳

野步

清景浩無際天光接水光
晴雲侵別嶼遠漱落殘陽巖

菊幽含馥岸花嬌
銜粧田家競秋報
社鼓樂村坊

野塘晚步

數畝涵空碧波光
可染衣荷枯惟藕
在荻老作花飛水
淨遊鱗見天寒過
鴈稀十分清絕處
秋月散明輝

錢園小隱

林園依岸曲小隱
是誰家畫閣虛臨
水綠筠深護花晴
川流皓月落景觀
明霞幻境無多地
幽情未易涯

下嶺

下嶺望前村參差去路分數疇田接隴一穗爨生雲古
樹巖山脅幽泉漱石巖巖居非不隱士馬亦紛紛

初秋夜雨

老火勢方張欣逢律轉商打窗風送溼襲袂夜生涼灑
若煩襟豁悠然清夢長流膏到原隰黍稷徧含香

過荻塘

煙火人村盛川途客旅稠荻塘三百里禹甸幾千疇綿
絡廬相接膏腴稼倍收經從少至老復此繫扁舟

月師西巖

靈山作巖骨清氣滌炎洲突兀挿萬古玲瓏涵九秋排
雲宿翳掃賓日曉光浮的的西來意宜於此處求

雪隴晚步

幽澗水縈迴深林路杳微僧居無客到樵徑有人歸歲
晚松孤秀天寒鳥倦飛一塵渾不到倚杖看斜暉

重到雪隴

重來知幾度行屐徧松楸白日惟催老黃花又送秋山

深林翳掃埜豁稻雲收盡說豐年樂田家更覺愁
少壯記曾遊茲來營首丘青山不改色白髮自多愁寂
寂千年晚蕭蕭風雨秋世緣何日了一笑問盟鷗

山行

晚芳開欲盡落葉滿林樾風色轉寒候雨聲鳴暮秋清
遊殊有碍歸興浩難收何日逢開霽天還解客愁

晚眺

一碧秋萬頃了無雲翳侵遠山醒病眼澄水瑩塵襟鴈

落浮寒渚鳥棲認舊林臨流小盤薄飛鏡掛危岑

再用韻

病眸猶遠眺惟恨鬢霜侵稻色雲連畝桂香風滿襟
堦橋橫落照晚磬出幽林牧笛數聲外明霞襯碧岑

秋後郊行

水北水南村縈回草徑深食蔬蟲篆葉宿樹鳥盤林
岸斷分支港雲開出遠岑意行無箇事斜日照孤吟

和詠雪二首

六出天施巧時哉更可人後庚三日至來復一陽新破
白祥開臘剪紅工勝春羊羔金帳飲宜富不宜貧
飛霙應冬候志喜屬詩人遠岫千尖沒寒林一色新年
豐呈上瑞天巧占先春比屋銀成屋民貧豈療貧

喜晴

披霧出松關行行破曉寒崎嶇忽平坦迤邐還復嶺岼霜
沐林光沃山圍野色寬朝曦開霽景鳴鳥亦聲懽

之雪

小艇經從處村村盡掩扉山川今似舊城郭是耶非澤
竭魚龍困林空鳥雀稀天寒歲年晚蚤計盍知歸

津途風雨欲雪

宇宙忽凝合一元如未分天慳花剪水風潑墨成雲飢
鳥啄木理戲鳬生浪紋初寒飛兩權行役為誰勤

和張菊存寄詩二首

江湖詩價滿競說弟兄難才壓曹劉短氣凌郊島寒騷
壇新領袖上國舊衣冠未見詩先得今人作古看

一紙飛雲端驪珠得所難
句成春草夢香帶古梅寒
願見期傾蓋遠游思整冠
乘流問陶還剩借菊吟看

過新豐村偶成

咫尺是江城欲前猶未能
舟行尋宿泊村近問名稱
愁聚眉常斂吟窮思屢凝
新豐舊遊地過騎免憑陵

唐村買杉為椁南尋買杉為棺戲作

一出四旬歸身謀喜不遺
歌方想原壤識復合龜茲
厚薄惟求稱死生難預知
桐棺三寸窆亦足矯茶毗

過菁山秀王墓

對案毬獅袞來岡陣馬驅讖書曾昔驗王氣慨今無猶
喜王侯冢免遭詩禮儒蔥蔥餘壤樹柯葉尚紛敷

挽常蒲溪端明二首

蘭省冠時英清華晚徧更有年尤有德全節復全名世
襲烏臺譽身辭鵷閣榮平生教歷地千古載廉聲
異邑阻登門因風輒寄聲方馳咫尺牘已奠兩間楹模
倣楚人些摩挲白傳銘貞元朝士幾三嘆重傷情

挽南塘朱檢閱二首

傳笏自文昌身名克顯揚蜚聲騰宦路接武近駕行廉
尚冰霜潔吟篇風露香晚年陶靖節松菊更淒涼

蚤歲篤盟嫻交情晚更親耆英亡老友吟社欠同人氣
貌溫溫玉襟懷盎盎春北山期共隱臨窆重傷神

過秀城哭葉倅

一見負吾願人亡乃及門溫乎容可即儼若像如存滿
擬朋三壽邽知隔九原瓣香傾老淚竚立黯消魂

金尺八
卷三
久矣致生芻斯行夫豈徒不惟哀一老亦欲識諸孤魏
笏期傳祖韋經在業儒子平仙去早萬事付長吁

挽儲華谷四首

吾里文華士平生湖海襟四書窮洛學五字逼唐吟多
識精能事諸公競賞音結交猶恨晚十載獨知心

處晦心常樂安貧節愈堅遺書訂無極妙蘊發先天揚
子惟存宅龜蒙粗有田阨窮身至泯遺子獨青編

世慕長生術君尤早用功談玄徒至老養素竟成空身

已隨朝露神應到閨風清言那復接賴有注參同
歸來纔一見病已不能支擬作歲寒友俄成夜壑悲淒
風吹老淚落日照幽姿賡唱無從再酸心閱舊詩

挽悟悅師二章

耆宿已凋零如師亦曉星宗門僧巨棟梵宇世傳燈身
閱空花境心潛多業經悅禪方有悟六袞弔顏齡

契合豈前因交情淡愈真開緘疑晉帖賡句逼唐人高
著棋空局清談案積塵滿襟揮老淚釋友更誰親

挽柳月澗

素履輩儒先居鄉行不愆五言唐句法千古宋吟編每
恨貧難療猶欣名可傳此生何所有老壽更希年

挽葉倅二章

八座家聲著居官政不迷典刑鄉黨敬節行古人稽展
驥空凡馬解牛猶割雞鴛行纔展武勇退倦攀躋

死別喜生反心親恨迹賒交情金可斷粹德玉無瑕方

擬來聞鶴俄驚夢在蛇

已年春不在

歸藏重悲感幸有子承

家

七言律詩

元日雪

曉來雲氣忽氤氲，上瑞俄驚到眼頻。
隔得一宵猶帶臘，飛來萬點總成春。
方傳六琯葭灰動，又報千林花事新。
試向庭前披鶴氅，却嫌標致怯前人。

和野渡春雪

天教滕巽互驅馳，令下東皇莫敢違。
雲擘綿綿迷眼界，

金史卷之三
三
山遮新黛抹腰圍衆芳被虐難爭巧二麥呈祥不用祈
片片吹將入簷幕佳人錯認落梅飛

寄興

希年逾五數無聞歲事從頭又一新徒得襄陽齒者舊
却慚莊子號陳人垂垂榆景已侵耄冉冉花辰不減春
日涉丘園今已矣北山亦足了閒身

再用前韻

杜門世事不須聞一任如碁局自新多病不妨為壽考

餘生更喜作閒人居今野處黃冠日記昔郊行紅旆春
須識世榮俱土苴豈如有道善其身

春雨

幾朝霖霖不破塊通夕浪浪勢乃滂竹下森然駢角露
桑間沃若繭絲香田毛沾潤初含穗土脉流膏欲布秧
多謝化工成歲事從春節節為人忙

一自春來二月強連宵甘霖澤斯滂潤留根蒂梅桃實
清及萌芽黍稷香雀舌纖纖抽茗葉羊羣戢戢長松秧

農桑從此無虛日織婦耕夫處處忙

一自蒼精渙號揚如酥小雨釀春忙霏霏透入根荄脉
點點染成桃杏粧澤徧高深俱及物氣融枯槁亦生香
老夫那復問芳訊但願三時協雨暘

和玉峯春吟

年來愁似海波深栢酒明朝試一斟那復蘇堤追勝賞
不妨楚澤效狂吟金旛曉賜夢何在紅旆春行步莫尋
料得宮花仍似舊應無墮珥與遺簪

首春同粉友携樽過埜渡訪梅即席

粉朋載酒子雲居何必孤山遠訪逋
癯影參差濃復淡
古香傳送有還無
朋龜賸喜如雲集
汎蜩何妨過日晡
索笑却嫌來較晚
一林芳意太紛敷

訪梅尋友款幽居
俄見棲鴉已畢逋
霽日幸同終日笑
春花有似此花無
銜杯林下嫌來晚
索句簷前祇恐晡
菲作不妨為玉引
要看詞藻競芬敷

初春次文友韻

原郊稚綠未成蒼芽甲森森似蝟芒急景不堪烏兔躍
新年又見燕鶯忙看看地列千機錦冉冉風傳百和香
人事不如春事好芳菲徒自滿河陽

賡堊渡春集韻

紅紫春來獨擅場銷魂人抱送春觴少嫌宴席聲歌短
晚覺書林氣味長列座燕毛成二老一番花事付諸郎
吾儕到此無他好莫厭賡酬費錦腸

月集呼聲妓不至堊渡於觴末俾賦詩以紀初

集

真率盟齊喜有初
崇觴載俎志交孚
共披白帟俱霑醉
獨惜紅裙不受呼
擬洛耆英宜有詠
班唐九老可成圖
從今勝集循環舉
歲歲毋令此意辜

清明前有遠役呈堦渡

月集相期在後旬
料應主席不寒盟
方思北陸催行色
又為東風問客程
鼓楫欲隨芳草去
傳杯須待綠陰成
姑蘇城外春光老
還許同舟載友生

清明前呈文几

此月纔過禊事修芳辰冉冉逝如流牡丹開了寒應盡
燕子歸來春又休衰鬢難將新綠染顰眉宜為落紅愁
勞生擾擾何時足已擬拋家理釣舟

清明前呈南塘

晚景淒涼事事休與波上下任沉浮花辰歲歲惟添老
榆火春春不改愁幾曲畫屏新綠暗一川流玉落紅稠
出門有碍家無累水北山南負勝遊

次華谷詠梅韻

宜煙宜雨更宜晴竹底何妨枝帶橫雅致恥隨春富貴
英姿不怕月分明吟邊興動詩添韻醉裏香傳夢亦清
一自孤山題品後此花標格孰能名

次韻詠梅

直疑姑射地行僊綽約如臨几案前和竹半歌能去俗
與蘭並列盍饒先林間姿艷同霜潔窻下精神待月傳
剩欲栽培為老伴相親日日在吟邊

又和詠梅

逸氣飄飄似欲僊
不論茅舍玉堂前
衆芳無此風神秀
十友推為行輩先
佳實尚堪為世用
香名更喜有詩傳
蕭蕭白髮差同色
也欲拈花上鬢邊

幾回渴想此癯仙
誰為招邀倏在前
明艷弗為諸垢染
孤標獨出衆芳先
不矜顏色自奇絕
綽有馨香祇暗傳
空想名園千樹發
何時持酒向花邊

曉枕追記山梅

高眠紙帳思無塵祇憶冰花入夢頻斜倚溪山獨標致
明分霜月倍精神瑞繞六出先呈臘香壓羣芳不敢春
今古騷翁題不盡孤山續筆屬何人

蟠梅

妙製成春春未知園工自出一家機折旋夭矯龍蛇勢
繚繞繽紛蛾蝶圍烟篆不生騰賸馥月痕相倚銜清輝
西城纖巧仍如舊祇慨黎雲昨夢非

詠埜渡香片蟠梅

一瓣生香獨傲寒此梅難並衆梅看明眸玉雪層層積
蛻骨蛟龍曲曲蟠巧若天成經歲遠移來地闊占春寬
老夫猶未識花面覓句含毫作是觀

為僧賦梅庭

奇絕生春五出花僧居著此境尤嘉一方寒月浸清影
幾度春風生素華何必江頭千樹暗未如屋角數枝斜
繡經覓句無塵事坐對尤宜雪煮茶

牡丹

淑景駸駸到牡丹探芳日日倚楹欄巧心吐出黃金縷
腴臉開成紫玉盤春晚有花飛欲盡山中此種得應難
便須收拾歸囊錦更酌清尊仔細看

巨室遺牡丹有作

幾年有負傾城艷慚愧今朝對落花憶昔富文同勝集
慨今姚魏屬誰家賞心不作園林想過眼聊為几席華
回首一年春又了綠陰芳草接天涯

殿春名譜壓羣葩汲水金銅滿貯花無地栽培娛老境

有風吹送到兒家嬌容粉薄雨含沐豐臉盃醺日絢華
花卒還榮人莫少芳辰來往歲無涯

春晚郊行

細草平蕪接渚沙僧庵繫馬栢陰斜青山幾曲遶流水
啼鳥數聲隨落花芳景流連春富貴晴林浮動日光華
獨憐人事多非舊寂寞荒村點暮鴉

喜晴

梅雨成霖味已甘淋漓更久恐難堪風雷幾晝起平陸

星斗一宵移下潭
萬畛針芒青曳曳
千山鱗羽綠氍毹
老夫晴雨不關心
醉青編維日酣

雨收宇宙喜清明
社舞村歌沸鼓鉦
竹下蛛絲粘葉穩
柳間蝶粉綴綿輕
班班遠岫髻鬟列
灩灩平川衣帶橫
候轉清和景尤勝
翠林幽哢聽倉庚

雨後堅山行之約

水泛新堤蘸柳條
郊行喜有可人招
不堪白髮三千丈
莫負青春九十朝
鷗鷺何妨為伴侶
鵬鵬一任詫扶搖

山靈久擬騷人到霽月光風不待邀

和友人秋懷

林藪髮枯山斂眉凜秋豈但楚臣悲
翩翩鶯燕知何往獵獵鷹鷂正得時
殘雨曉添衣氣潤新寒夜厭漏聲遲
悲風入調須頻奏妙趣惟應心自知

呈節前戲成

依稀橋鵲布銀潢又見天孫作婦忙
已向烟蘿深遁跡不煩雲錦絜成章
追思高會飲傳燭徒得清眠夢熟梁

却喜連朝天沛澤應為月姊釀秋芳

和象翁七夕吟

暗度雙星見者希那堪霧氣更霏霏為雲為雨觀如夢
一歲一宵來即歸玄鵲有靈勞翼負素娥含恨減腰圍
絲樓誤却穿針女玉宇銀潢欠發揮

菊秋曉枕偶成

希年七十又加零漸脫塵緣萬事輕冉冉壯心隨歲減
蕭蕭衰鬢與霜明愁傾白墮嫌無量老對黃花更有情

金定四庫全書
卷三
欲寫秋容到寥廓却慚健筆欠縱橫

菊秋呈南塘

淒涼時序每興嗟那復登高似孟嘉尚喜烏紗粘皓髮
猶存青眼對黃花百篇剩有詩堪索九日愁無酒可賒
采采緬懷元亮節不隨流俗競春華

赴埜渡招賞桂

幾年寥落負秋光剩喜朋簪列耐堂粉社重開真率集
桂華新薦廣寒香故交今日嗟無幾我輩晨星當自強

況有坐中名勝在，携尊何待菊花黃。

和埜渡招賞桂韻

挿架金英噴月光，園中列樹更堂堂。
信從天上靈根出，染得古來詩句香。
今度花遲前度發，三分秋占二分強。
主人健筆供模寫，壓倒當年蘇與黃。

和象翁雪

欲把青空一色糊，集先維霰作花疎。
寸餘凝積常年有，尺許堅牢自昔無。
粉陣成圍攢戲蝶，鹽車疑覆失前驢。

新吟便是有聲畫何必鴛溪寫作圖

剪水天為農發祥豈知寒卧欲成僵朱門快意酒肉會
墨客馳神詞翰場梁苑集中呈賦手灞橋行處吐詩香
羊羔茗飲評清濁相去何殊千丈強

和野渡甲申雪吟

盈尺為祥須應占洪纖著物類形鹽幻成列阜鼉城湧
散作千林蝶陣粘清友不妨添玉骨蒼官俄怪變銀髯
祇憐歲歲催人老染盡華顛亦可嫌

三白先春花尺圍玄冥喜不遜伊耆蓋深巖穴獸無迹
凍合林園鳥不飛金帳從教資侈泰銀城未必可憑依
卷懷經濟姑藏密閉戶高眠未必非

即席賡喜雪韻

崇巒九疊破天慳地遠塵囂隔幾關方恨重雲封皓月
俄驚半夜老青山莫嫌臘後欠三白且喜春前露一斑
幾度冬來逢上瑞更祈盈尺送舟還

次韻雪積即消

馮夷剪水抑何慳祇怕天工未許閒上瑞先春纔破白
屢豐卜歲已窺斑可憐俄頃消成水不怕明朝失却山
金帳羊羔非我事汲清煮茗課奴蠻

和野渡雪消二律

雪晴吟弄句仍佳滿紙鮫珠屢拜嘉刻玉林林空楮葉
沾泥處處失楊花消成滴瀝原歸舊潤入根芽生有涯
賸洗餅罌儲此水待驅炎暑煮春茶

可親餘暇復奚為雪霽何妨剩賦詩應怪玉峯還翳蒼

更憐銀屋變茅茨結成冰筍方連夜散作簷花特頃時
物物要知須返本冰仍歸水更何疑

寄賀陸翠庭遷居

翠庭欲到到非難覲面須當聽麈談未必移家似東野
料應有宅過羅含幽懷萬堞塵埃隔勝概兩湖風月涵
唐宋詩人多姓陸吟邊行遠可相參

賀南塘得孫詩

咎消无妄福來宜喜氣津津溢秀眉桂子昨方移別種

桐孫今見長新枝金章魚佩須傳祖玉果犀錢夢得兒
我欲去為湯餅客却慚未賦老坡詩

南塘歸自浙東

鼓枻歸來波浪平碧天如水月分明幾番惡夢頻驚散
一片閒愁頓掃清桂子高風生逸思菊花老圃悅吟情
同盟約過淵明宅載酒東籬莫厭傾

和南塘

歷徧崔嵬又涉川菊秋還見早梅天重來槁頂惟添老

屢對青山似有緣
携友擬為深谷隱
有僧可問小乘禪
臨風却憶南塘老
便脫芒屨棹去船

和丹岳以青溪至有作

故人未到欠詩催
纔到九山雲為開
埜鶴正思尋老伴
盟鷗亦競喜朋來
免教北隴慙空帳
消得南山詠有臺
梅信已傳花信動
直須領客待春回

雪隴回舟過湖城

起來雨氣掩朝陽
俄喜天開正色蒼
一道澄溪雲弄影

千峯霽景汎林光微茫煙外顏城露翁鬱山巔古寺藏
踏遍層巒遊屐倦歸船欵乃舫聲忙

重到雪隴新阡

摸金郎久徧郊原冢域猶欣草木蕃松已高年為老友
竹添新譜長仍孫四圍秀色山浮几一曲清溪水到門
莫恨牛眠無瑞應且欣老壽此身存

又題雪隴墳庵

斗大山庵歷幾春茂林豐草綠初勻青山繚繞猶列戟

玉澗縈迴似曳紳新竹羽成雛鳳尾古松鱗長老龍身
吾年已邁嗟無用表道龍岡尚欠人

南徐買舟將歸

風雨連朝思黯然山迷宿靄水迷煙一年春事少閒日
半月客程逢漏天喜涉鯨波返江國便思鶴唳買河船
修途徃復成何事姑了餘生未了緣

舟行分途次埜渡韻

同舟李郭喜相親盡日賡酬夜至分未信詩能窮我輩

不應天遽喪斯文相違雖判城西路有約同看嶺上雲
從此吟毫可停運祇疑風月未饒君

舟泊姑蘇

夜泊垂楊古渡頭片帆已喜到隣州經從城郭驚前夢
寂寞川途異舊遊近事能知惟語燕餘生何有付盟鷗
可堪人與春俱老落絮飛花點點愁

舟近吳興郡見山

一舸夷猶白浪間擡頭俄喜對青山平生每見便刮目

今日重來不改顏城郭衣冠應寂寂川原草木尚斑斑
餘齡未艾須時到健筆猶能記往還

為謝氏賦流芳

斯文一脉可傳家囊帛贏金不足誇須信詩書涵潤澤
自今庭戶發英華謝蘭輝映方生玉寶桂香含不斷花
不但種芳兼種德百年之計此為嘉

七十生朝製坡帽

喜至生朝疾有瘳旋裁坡老帽蒙頭肖形雅稱顰披鶴

緩步何須杖策鳩皓首今為七十老黃花更有幾番秋
明年準擬拋家宅水北山南狎埜鷗

借丹岩韻貽青溪

良朋有約著書催未到愁雲撥不開丹穴孤雲宜間見
青溪隻鶴喜重來有誰剖玉明荆璞愧我無金築隗臺
鄭校子衿佻達久擬延尼父鑄顏回

和丹岩述志

蠹簡鑽研眼欲穿讀書何似夏侯玄文傳可使紙增價

酒盡何妨尊屢眠唾落成珠皆至寶筆耕有粟勝良田
席珍儘足需時聘經史何勞手更編

室罄囊空氣不衰朶頤寧肯舍靈龜多金未羨陶朱富
浙玉姑為杜老炊煖客情難到貂鼠惠人智不及蒲葵
春風可笑隨流俗不長桃枝長棘枝

和丹岩入屋韻

得廬莫恨太婆婆繚以芳衡葺以荷徙舍借車家具少
架書充棟手編多且甘窮巷飲瓢樂須有文朋載酒過

他日不妨更與堦詩人寧遜庾并羅

代錢行

比來長掾宰如君退食時惟儒士親編簡香中猶得味
簿書叢底不沾塵乍交祇恨過從淺每到須蒙問勞頻
多少清風留鶴國不堪折柳向西津

下車人已誦廉平三載松江著令名敏則有功無滯事
惠而為政及疲氓班班可紀郡曹美去去先馳臺掾聲
騰實蜚英聞北闕佇看紫詔趣亨程

和戚秋澗遺詩

登金步玉信無緣二十年來喜服田肯羨鳴春為候鳥
自甘飲露作寒蟬嗜閒倦舉吟風筆歎老貧無釣月船
但得有錢供客醉絕勝名字掛凌煙

欲廢推敲幾歲華詩葩君至復萌芽吟章既富舊成帙
生計無多新載家曾著古今書拍塞墨行真草字橫斜
年逾八十身方健高把松喬壽未涯

偶成

平生夢不遇邯鄲學道求仙興已闌
旋改詩編入新刻
重尋琴譜發清彈不慚晚境為寒峻
翻笑當年慕熱官
志業無成年及耄那知身反誤儒冠

為鄉人賦心田

方寸良疇人共有能耕能斂幾人知
坦平非有山河界
存養何殊雨露滋
盡剖藩籬忘彼我却明畦畛
別公私
儘多陰隲於中種播穫當為百世苗

宣妙寺偶成

孤寺蕭然寄碧岑
塵無半點到僧門
風傳鐘鼓萬家縣
山遶犁鋤十里村
一榻高眠慨今夕
八窓洞達納乾坤
此行梅月孤良覲
雨打寒林晚復昏

賦宣妙院古栢

飽經三百載風霜
幾見林間古木僵
修骨蛻龍鱗甲長
繁柯擎鳳羽毛蒼
孤高獨與風雲會
葱蒨深藏雨露香
寄語山靈須愛護
殷勤重賦角弓章

和南塘嘲謔

理存成壞與虧全人事悲懼莫不然梅帳道人新活計
柳枝歌妓舊因緣斷絃謾說驚膠續剜肉難將獺髓填
更遣青裙並赤脚獨將琴冊寄餘年

過吳興城

兩溪浮玉浸晴空萬井樓臺一葦通舟過恍如蓬島客
人行疑在廣寒宮青山迎送猶佳友綠鬢往來成老翁
遐想坡仙莘老輩邇來那復有遺風

過安吉城

一年兩到吳興郡夢想往時雲錦鄉
敗堞頽垣尚圍遶雕梁畫棟總淒涼
蕭蕭適際風寒候黯黯全無山水光
日暮樓頭鳴鼓角聲聲悲壯斷人腸

過荻塘次韻

平林歷歷曉雲迷津堠將迎客棹西
千古興亡秦伯國一川經緯狄公堤
雨添柳色成蛾綠春剩花香散麝臍
去去茗城知不遠摩挲老眼看山溪

次韻荅柯提幹

年來人物慨凋零義重交盟嵩華輕一葦匪遙秋水隔
兩章相映夜光明乾坤何日可還古風月於人無異情
姑把愁懷寄觴詠出門一笑九山橫

和葉幹慶七裘詩

不圖聞達老何求久矣甘為農服疇晚歲但知書甲子
希年徒自富春秋作朋何敢班耆父招隱猶堪共釣遊
寄語紛紛朝市客孤裘未必似羊裘

和王總幹韻

碑銘細讀識前人
貽後無非舊典刑
宦業傳家守清白
儒科繼祖播芳馨
繫駒共歎淹場藿
鳴鹿終當歌楚苓
千古斯文應不泯
待將辭藻掞天庭

挽都務弟

己卯歲葬

功名利擬著先鞭
永訣於今十九年
地下那知多歲月
人間別是一乾坤
生前桂籍身如在
死後芸編子竝傳
已已歸藏無欠事
獨憐埋玉重淒然

襲舛承訛俗尚全
為謀所喜適吾從
傷心幾載鵲原夢

灑淚今朝馬鬣封梁棟材嗟空故木珠璣香喜長新松
最忻壤樹首丘正祖壠葱葱佳氣鍾

挽林梅癯

晚擢亞科躋憲掾擬航選海竟無緣苦吟方與甫俱瘦
踈影俄隨逋已仙谷水吟編多手澤廣陵琴趣得心傳
年幾八袞身何憾老友凋零重愴然

挽王總幹父知縣

蜀溪名閥世為儒祖擢巍科子亦如從仕為民辭薦牘

移忠有後竟懸車一生冰蘖節愈厲兩度絃歌政可書
共擬瀧碑表親墓詎知簪笏化犁鋤

h

欽定四庫全書

秋聲集卷四

宋 衛宗武 撰

五言絕句

春日

化工溥至仁生機運不停榮觀徧原野宇宙一丹青

望霽

陰陽互闔闢宇宙幾洪荒重明麗乎正萬象生輝光

覽古

金史卷四
治忽無常形今古無常勢必有非常人以制非常世

和黃山秋吟

有山靜而秀有水清且漪風霜空宿翳草木含幽姿

題畫軸卷後

列岫喬林平川別墅瑞天一色遠近映帶畢逋雲集
下上盤薄於寒空暮景間不假丹青而尺素之妙幻
出雪霽無涯之境謂非善筆不可也少游可作吾將
問之能寫寒鴉萬點流水孤村之句乎而詞不及雪

若附贅然雖然非雪與山則無以著清迥高潔之趣
詞之意未足而此筆足之使少游寓目焉亦必為之
三歎主人好尚風雅屬予為辭而繫之以詩

林阜玉參差寒鳥千萬斯直疑飛繞處錯認月明枝

蜘蛛

經緯智何多網張猶設羅但知為物穿更有物誰何

蜂

為巢倒懸樹竅竅自成房螫人雖有毒終為人所傷

蠅虎

狀有類蛛螫見物常勇投奮身如虎猛所得亦蠅頭

詠蠅

營營止于棘或赤而或黑皓皓染成汙姦魂併佞魄

螢

本從腐草生聚為寒士燈一朝書課效功寧不汝矜

絕交

北山有鳴鵠不潔而嗤鳳宜下絕交書塤麓非伯仲

七言絕句

次韻賦蠟梅

將到窮冬寂寞鄉，誰知花事未渠央。
最憐剪蠟翻新樣，却笑燒鉛作素粧。

能向早梅前獨秀，何妨秋卉後纔香。
祇嫌一種開何晚，直待東風為發揚。

和詠梅

獨占東風第一籌，孤芳不與衆芳侔。
飄零猶待調金鼎，

金史曰
卷四
未逐凡花浪藥休

點檢春工首到梅枝枝羞澀未全開試看詩句相料理
換得清香入夢來

年前疎秀明於雪年後芳敷翦若雲有色有香尤耐久
十分春事占三分

春日

天公要與物為春人事紛紛藹若雲錦繡山川誰管領
祇應魚鳥得平分

和海棠韻

鬢霧鬟雲視臉紅
嫣然一笑倚春風
直疑傾國傾城魄
聚入此花顏色中

為慈上人賦雲溪

油然出岫擘晴綿
點綴青空水接天
心跡兩閒無俗累
靜觀飛躍樂魚鳶

白衣蒼狗任從渠
不礙波涵一太虛
雅契高僧方寸地
卷舒沅止自如如

和象翁絕句

春花色色俱成夢夏實累累結滿枝
獨有葵榴媚清晝薰風時度五絃詩

恰好軒窗傍竹開絕勝舞榭與歌臺
縱橫甲刃丈夫立彈壓炎威不敢來

舟行必水陸行車此地無桑只種麻
安得野蠶生活萬化成絲繭徧家家

浮生一夢寄南柯烏兔雙馳迅若梭
世事如棋知幾變

掬時無著奈時何

和丹岳

芳事從今鼎鼎來看看花片撲樓臺一和既盡寒如掃
錦繡香中圖畫開

玉女裁花撒碎攪寒威凜凜壓山屏消殘猶自銜天巧
點綴裙腰一半青

絳帷深密障嚴霜衿佩芬芳聚一堂竹外琅琅聽春誦
伊唔聲裏帶詩香

一片花飛未減春
方來蘋紫蓋如雲
新晴騰擬扶鳩杖
試探芳辰有幾分

餘寒威壓皚浮瓊
粉黛羣空欠肉屏
欲著春衫憶纖手
不勞陸展染青青

山行

曲波岸岸浮清嶼
綠樹村村間野花
一望川原春冉冉
斷霞殘照落栖鴉

埜芳未放青春去
林鳥長隨白日閒
山色殢人歸未得

杖藜日日扣松關

麥畦桑隴夾蔬花
遠水暉暉日欲斜
一片堊光涵列岫
翠微深處有人家

古寺僧窓借榻眠
柔柔柳暗乍晴天
夢殘一枕春醒醒
木杪鐘聲破曉煙

樂天不廢空門友
杜老猶交贊上人
茶竈筆床時一到
研譚盡日與僧親

兩度來遊飽看山
又回雙槩遡晴澗
山光每恨舟難載

點染篇章作畫看

山橫數里如鬟聳水界千疇似砥平
花事已闌農事動
村村雨足一犂耕

紅紫飄零筍蕨抽一年芳事又成休
榆錢萬疊春難買
落絮隨風萬點愁

開到荼蘼花事休
婦桑男畝又從頭
陽春有脚堂堂去
萬縷垂楊繫不留

亂擘晴綿清晝遲陰陰古木綠雲齊
僧窓盡日無塵事

夢破一聲春鳥啼

和沾上人韻

易地開山闢廣居靜中妙趣契真如自憐至老無聞達
拋却儒書讀化書

壑下墓松詩

聳壑松林逾百尺幾年培植至今存可憐一旦成薪樵
曾見曾高長子孫

雪山和丹岳晚春韻

疊疊青山疊疊林風松石澗自成琴箇中迥與世塵隔
試問入山深未深

密依林谷遠風埃貞色幽姿不假裁九畹芳殘猶有蕙
光風拂拂轉香來

雨芽初試美於飴尤勝新醅出榨時坐對青山兩清絕
肝脾溢出百篇詩

窮源幾曲徑深長隱隱堊花時度香喬木森森走虬鳳
稚松疊疊散牛羊

二阮當年攄解詩
夷吾父子亦能基
家庭粗有消閒樂
未似登山臨水時

十分花事九分墮
開到木蘭春已瀉
惟有松筠助山色
青青不改歲寒枝

衆植惟推杞梓尊
鄧林翹楚已無存
誰家一樹花浮雪
猶喜刺桐花有孫

未許歸船轉柁牙
愛山猶戀自山家
牡丹開盡春無幾
狼籍東風楊柳花

金
卷四
應接山光到夕陽
禽聒聒送春忙
年華鼎鼎催人老
將見青青梅子黃

面面青山悅客情
扶筇到處有雲生
歸來瀟茗陪僧話
百尺喬松鶯數聲

宣妙寺偶成

翠玉光中藤拄杖
綠雲叢裏竹提輿
幽尋是處堪盤泊
絕勝當年五馬車

滿座清風來古木
半窻斜日下危岑
觀僧奕罷了無事

一枕涼生永雪襟

喜晴

積滂初收喜氣浮
三農不負稻粱謀
臨流一望舒眇目
數疊青巒萬畝秋

和黃山秋吟

鉦然梧葉響敲風
涼月疎星秋正中
萬頃水花渾老盡
一簪醉日倚殘紅

珠露滾滾金作風
秋聲淒怨入焦桐
駸駸碧樹霜痕染

那復宮題葉上紅

瀟瀟清思浩無涯
紅蓼灘頭屋數家
小艇尋秋綠葦去
紛紛雪絮訝楊花

從教日日把巫焚
無補河流一尺渾
甘霖要從方寸出
土龍芻狗不須論

何草青青不漸黃
班姬悲扇語淒涼
佳人笑別乘鸞女
相見毋嫌日尚長

氣序循環歲復衰
花隨春老葉秋飛
一年光景消磨半

又見羅衣換葛衣

雨中過秀城

萬井民廬接梵宮
鼓聲悲壯麗譙雄
人民郭郭渾如舊
煙雨冥迷黯淡中

山中新霽

宿雨初收曉日升
晴川遠浸數峯青
西風一洗林巒翳
收拾秋容入畫屏

賡沈贊府題二陸草堂

二俊書堂歷幾秋風雲壯志浩難收
儻知尊美過羊酪應返故山尋勝遊

落木蕭蕭古寺秋翠屏如畫雨初收
堂基千載書香在誰為機雲記舊遊

聞桂

山光水色染秋容天際明霞一線紅
冉冉有香來鼻觀廣寒花氣散晴空

訪桂

行秋徧歷谷之陽粲粲巖花競晚芳
僧宇盡成金粟界
天風處處散天香

和僧房巖桂

疊金綴粟映明霞
移下蟾宮一樹花
最好色香俱洗淨
紛紛桂子落袈裟

近吟

泉石涓涓作玉鳴
天寒林靜鳥無聲
松香一篆書橫几
人與秋山一色清

歷歷疎林點暮鴉
幽幽雨砌菊猶花
浮雲卷盡四山碧
倚徧喬松待月華

七十三年老病身
扁舟於此往來頻
吳興故老消磨盡
却認青山作故人

晚年打透利名關
十載尤欣老得閒
擬約綺園為隱侶
却愁無處覓商山

墳庵碁罷對月

僧庵恰好傍山坳
門外幽泉碎玉敲
碁罷道人心似水

一鉤新月掛松梢

閱道書

穆穆皇皇九五居舍儒為政豈良圖不思濟世思超世
佞佛求僊總是愚

抱璞含和道俗同寥寥萬代想皇風後來賢智知多少
未似當年牧馬童

詩餘

水調歌頭自適

風雨捲春去綠紫摠無餘窈窕一川芳渚軟草接新蒲
楊柳垂垂飄絮桑柘陰陰成幄殷綠正荼敷遷木鶯呼
友營壘燕將雛金蕉舉珠櫻累豆梅腴壽鄉歌舞樽
前暫得皺眉舒往事南柯印綬晚歲北山杖屨寂寞笑
今吾幸作者年侶寫入洛英圖

摸魚兒

詠小園
晚春

小林巒一年芳事亂紅還又飛雨生香冉冉花陰轉雲
擘滿空晴絮遊燕處看樂意相關庭下胎仙舞歌聲緩

度任圓玉敲寒飛觴傳曉未許放春去
閒中趣明月
清風當戶華華容屋陳俎剪裁妙語頻賡唱巧勝郢斤
般芥心自許拚凋景頽齡為鶯儔燕侶同盟會取共花
下小車竹間三徑長作老賓主

前調

疊前韻

見春來又將春盡狂風那更癡雨一番芳徑催人老回
首綠楊飄絮歡會處有小小亭池止欠妙歌舞光陰梭
度對草木幽姿候禽雅奏客至未應去
十年裏冷落

翟公庭戶朋來草草樽俎投閒贏得浮生樂肯羨油幢
繡斧春幾許任洛譜名葩留燕耆英侶浮榮競取縱帶
玉圍腰印金繫肘爭似鶯花主

木蘭花慢

和堊渡
賦菊

聚林園芳景盡輸韓圃陶籬任雨虐風饕露凝霜壓叢
木離披正色幽香不減與冬蘭並秀結心知天賦花中
名節不教桃李同時清奇秋後尤宜浮卉盡尚芬菲
稱處士庭除先生簡冊聲續吾伊便好竹間松下擅晚

芳長伴歲寒姿
懊恨攜尊已晚
明年來把花枝

醉江月

山中霜
寒有作

露華凝聚夜更長
寒壓一床衾重局縮
龜藏燈幌悄明滅
銀釭欲凍鼻觀流
珠肌紋浮粟歌枕
難成夢明蟾交映
一窻清影梅弄曉
見黃隕丹空但瓊
華點綴萬梢森聳
橘袖香來分好景
書後儘堪題送青
女呈工玉妃傳信
漸六雲飛動瑞花
盈盡看者疊嶂銀
湧

前調

和友人
催雪

暮雲凝凍聳玉樓撚斷冰髯知幾今歲天公慳破白未
放六雲呈瑞瘞馬發祥妖麋應禱終解從人意臘前三
白瑤光一瞬千里便好剪刻漫空落花飛絮袞袞隨
風起莫待東皇催整駕點點消成春水巧思裁雲新詞
勝雪引動眉間喜欺梅壓竹看春還助吟醉

滿江紅

寓古杭和南塘詠欲雪詞

屑玉飛霙正堪稱馮夷展布空幾度癡雲凝聚狂風掀
舞點點拋揚珠作霰纖纖斷續絲垂雨借銀河剪刻六

花飄天應許 水漠漠斜橋度烟淡淡長亭路望寒莎
衰草總成愁緒坡老新堤須好在逋仙孤嶼猶堪去共
尋梅止欠雪雙清煩青女

前調

壽堃
渡

弧矢開祥喜從此旬無九日新歲改椒盤獻頌齊頭七
十漸入唐人諸老畫可追洛社耆英集有陶潛三徑健
吟哦貧而適 摘仙桂探蟾窟斂洪藻歸麟筆總古先
傳記譏評得失不朽芬芳垂簡冊浮榮土苴輕簪笏看

年如衛武粲成章詩傳抑

天仙子

前題

搭宅亭園雖不大花木成陰難論價毫端點綴有珠璣
竹一帶梅一派明月清風何用買 子子孫孫紆壽綵
家慶成圖和藹藹更添三歲古來稀酒滿罍詩滿架直
到耆頤年未艾

水龍吟

和壁渡
生朝

桑蓬掃盡閒愁未應人比梅花瘦眉峰頻展恰如雲卷

北山九綦錦繡腸袖絲綸手駸駸希有博取巍科儒冠
於我何負 初度年來年去喜稱觴醵前還又安時委
命金魚玉帶儻來斯受傍屋林園撫松對竹共朋三壽
且逍遙安樂窩中歲歲進長生酒

金縷曲

賀南塘八
月生朝

強半秋澄穆半月弦南極躔高壽星明煜今歲戶庭殊
舊歲洗盡閒愁千斛沸春夏懽聲相續蘭已種成香滿
砌更薜華得偶顏如玉雙捧勸壽齊祝 却枝芳映莊

椿綠覺這番初度稱觴桂增芬馥生子生孫從此始騰
有人傳祖笏看八座青氍須復兩兩閨中俱秀質待子
平婚嫁人人足碧桃下跨青鹿

